

TEKS UCAPAN

PERASMIAN DRIVE THRU COCONUT SHAKE 336 ANJUNG 336

Assalamualaikum w.b.t dan Selamat Tengahari,

Terima kasih Saudara Suffian Ambrin, DJ Radio IKIM (Inspirasi Inforia Islami) merangkap Jurumudi acara kita hari ini.

(RUJUK SENARAI JEMPUTAN)

Syukur kehadiran Allah swt pada hari ini dapat kita bersama dalam Majlis Pelancaran Drive Thru Coconut Shake 336. Saya mengucapkan syabas di atas kerja keras dan dedikasi kumpulan kerja Coconut Shake 336 yang dianggotai oleh anak-anak muda yang berani dan bakal mewarisi kepimpinan negara.

Saya menerima undangan hari ini pada 2 minggu lepas dan mengarahkan Pengarah Pembangunan Francais KPDNHEP berhubung. Mereka kini dalam proses melengkapkan dokumentasi pendaftaran francais antaranya Sijil Pengesahan Hak Cipta Cap Dagangan Coconut Shake 336 yang sedang diproses oleh pihak MYIPO, Akaun Teraudit bagi tahun berakhir 31 Disember 2020, Manual Operasi, Manual Latihan serta Manual Promosi serta Persijilan Halal Malaysia yang sedang diproses oleh Hub Halal, Jabatan Agama Islam Selangor.

Kami di KPDNHEP sebagai pemudahcara pendaftaran mendoakan agar semua proses dokumentasi ini berjalan lancar

dan seterusnya pihak Coconut Shake 336 dapat diangkat sebagai Francaisor serta menawarkan peluang keusahawanan yang baik ini pada masa kini ketika mana negara sedang mengalami proses pemulihan akibat dari pandemik Covid 19.

Pihak Kementerian melalui pelbagai inisiatif yang dijalankan akan terus bekerjasama dengan pemain industri untuk memastikan aktiviti ekonomi dalam negara khususnya dalam berjalan lancar dan proses pemulihan ekonomi dapat berlangsung seperti dirancang. Pelbagai inisiatif telah diperkenalkan kerajaan melalui pakej prihatin, penjana satu dan dua serta terkini Pemerkasa yang dilancarkan oleh YAB Perdana Menteri dua hari lepas.

Berbalik kepada gerak kerja pihak Kementerian kini melalui Bahagian Pembangunan Francais sedang rancak menyediakan pelan pembangunan francais dalam usaha memastikan daya saing industri francais negara setanding dengan penyedia francais luar negara. Jenama Malaysia seperti Fish Manhattan, Tealive, Marrybrown dan pelbagai lagi membuktikan usahawan Malaysia juga memiliki aspirasi antarabangsa melalui penyertaan inisiatif francais.

Proses permohonan sebagai Francais adalah perlu memenuhi pra-syarat pendaftaran melalui Bahagian Pembangunan Francais KPDNHEP. Antara keperluan yang perlu dipenuhi adalah *Trademark* telah didaftarkan di Perbadanan Harta Intelek Negara (MyIPO), Sijil Pengesahan Halal oleh JAKIM dan manual latihan serta operasi yang lengkap. Disamping itu juga, model

bisnes berdaya saing dan menjana keuntungan serta mempunyai keunikan juga adalah menjadi faktor utama dalam penyertaan sebagai Francais.

Kewujudan Francais Mikro dan Francais Mampu Milik seperti Coconut Shake 336 ini nanti diharap dapat memberi akses mudah kepada golongan muda dan belia menyertai industri francais sekaligus merancakkan pertumbuhan ekonomi negara serta menjana peluang pekerjaan baru. Inisiatif ini juga diharap dapat memberi nafas baru kepada usahawan mikro untuk menembusi industri francais.

Akhir kata, saya berharap agar kumpulan kerja Coconut Shake 336 terus diberikan kekuatan untuk meneruskan dokumentasi permohonan menyertai Program Francais Mikro dan diterima sebagai Francaisor untuk menawarkan pakej francais kepada bakal-bakal francaisee. Saya difahamkan pihak Coconut Shake 336 merencana untuk membuka 50 cawangan baru dalam masa 24 bulan di sekitar Lembah Klang meliputi Selangor, Kuala Lumpur dan Putrajaya. Dalam tempoh 3 bulan mereka telah membuktikan kesungguhan dengan membuka satu Drive Thru Coconut Shake 336 serta dua buah Foodtruck Coconut Shake 336 di Prima Sri Gombak dan Bandar Saujana Putra yang masing-masing akan memulakan operasi April ini.

Untuk makluman, kami di KPDNHEP juga menawarkan Program Pembangunan Perniagaan dimana pihak Kementerian menyediakan ruangan di pusat membeli belah ternama untuk diletakkan kiosk-kiosk perniagaan dalam membentuk daya saing

dan penjenamaan yang baik buat perniagaan khasnya perniagaan baru seperti Coconut Shake 336 agar jenamanya dipercayai dan diterima masyarakat.

Saya kira dengan Majlis Pelancaran hari ini bakal memberi dimensi baru buat usahawan diluar sana untuk menyertai Francais sekaligus merealisasikan impian kerajaan merancakkan lagi industri francais ini.

Dengan lafaz Bismillahhi Rahmani Rahimm, Saya melancarkan Perasmian Drive Thru dan Foodtruck Coconut Shake 336 serta Anjung 336.

Wabillahi Taufik Wal Hidayah

Assalamualaikum warahmatullahi wabarakatuh.